

Alam Wanita

Hak dan Kewajipan Suami Isteri Dalam Islam

(3)

Masalah isteri nusyuz (ingkar) yang kadang-kadang “digantung tidak bertali” masalah beristeri lebih dari satu atau “poligami”, dan masalah talak, selalu menjadi perbincangan masyarakat.

Masalah-masalah ini telah disuarakan oleh Dr Ali Abdul Wahid Wafi, Mesir, dalam bukunya “*Baytu al-ṭā’ah wa taa’dud al-zawjāt, wa al-ṭālāq fī al-islām*”. Huraianya yang berharga ini kita siarkan di sini dengan harapan menjadi penerangan yang berguna tentang kedudukan masalah-masalah itu yang sebenarnya.

(Diterjemahkan oleh : Abdullah Basmeh)

Selagi akad perkahwinan masih wujud

taat kepadanya. Tentang ini Allah *Subhanahu Wa Ta’ala* berfirman:

Islam tidak membenarkan isteri itu nusyuz

“*al-rijāl qawamūna a’lā al-nisa’ bimā faddala*

Selagi akad perkahwinan suami isteri masih

Allāh b’aduhum ‘alā b’ad wa bimā anfaqū min amwālīhim,

terikat dengan kukuhnya, maka Islam mewajibkan si

fa al-ṣāliḥāt qānitāt hāfiẓāt lilgyahbi bimā ḥafīẓa Allāh,

isteri taat kepada suaminya. Islam tidak membenarkan

wa al-lātī takhāfūna nushuzahunna fa’izūhunna wāhjurūhunna

si isteri itu berlaku nusyuz (ingkar) bahkan

fī al-maqādīr I wādribūhunna, fa in aṭa’nakum fa lā tabghū

Islam memaksanya supaya ia kembali taat kepada suaminya

alayhinna sabīlā inna Allāh kāna ‘aliyan kabīrā.” – (34

apabila ia berlaku nusyuz. Lebih jauh lagi, Islam

al-Nisa’).

menbenarkan suami apabila melihat tanda-tanda atau alamat yang

Ertinya: Lelaki itu berkuasa atas perempuan-perempuan,

menunjukkan keingkaran isterinya, yakni apabila kelihatan

kerana Allah telah lebikan sebahagian daripada mereka (iaitu

dalam masyarakat rumah tangga sesuatu yang menunjukkan

kaum lelaki) atas sebahagian yang lain (iaitu kaum

si isteri sedang melakukan perbuatan untuk

perempuan), dan kerana nafkah yang mereka belanjakan daripada

melaksanakan diri daripada kekuasaannya dan menempuh

hart-harta mereka. Maka perempuan-perempuan yang salah (yang baik)

jalan yang membawanya kepada berlaku ingkar, maka Islam

itu ialah yang taat, yang memelihara perkara yang tersembunyi

membenarkan si suami bertindak menggunakan ikhtiar

(kehormatannya dan kehormatan suaminya) dengan cara

untuk mengajarnya sehingga isterinya insaf dan kembali

pemeliharaan (yang diwajibkan) Allah. Dan perempuan-perempuan yang kamu takut akan perbuatannya yang ingkar itu hendaklah kamu nasihati, dan hendaklah kamu pulaukan mereka ditempat-tempat tidur, dan hendaklah kamu pukul mereka (dengan pukulan yang ringan). Tetapi jika mereka taat kepada kamu, maka janganlah kamu mencari jalan untuk menyusahkan mereka, sesungguhnya Allah Maha Tinggi, lagi Maha Besar.”

Hukum-hukum ini telah dihuraikan oleh shahibul faidil al-Syeikh Mahmoud Shaltut, dengan huraian yang lengkap dan jelas nyata di dalam bukunya “al-Islam ‘Akidah wa Syariat” katanya:

“Al-Qur’ān telah memberi panduan bahawa perempuan-perempuan itu - dalam hal penguasaan kaum lelaki atas mereka- ada diantaranya perempuan-perempuan yang salih yang bersifat qanūt , iaitu tenteram dan taat kepada Allah *Az̄za wa Jalla* dalam perkara yang diperintahkannya tentang melaksanakan hak-hak perkelaminan, dan tunduk kepada pemimpin lelaki dan kepada pengetuaan lelaki di rumah tangga dalam perkara-perkara yang ditentukan ia mengetuainya, dan juga hendaklah memelihara rahsia rumah tangga, kerana kehidupan yang baik dan bahagia tidak akan wujud di dalamnya melainkan dengan kekalnya rahsia-rahsia rumah tangga itu terpelihara dan dihormati” (*)

“Jenis isteri-isteri yang sedemikian ini, tidaklah ada jalan bagi suami-suami terhadap mereka pada menggunakan kuasa untuk mengajarnya dengan sebarang hukuman kerana mereka ialah isteri-isteri yang baik dan taat menepati firman Allah Ta’ala yang tertera di atas tadi : *(fa al-ṣāliḥāt qānitāt hāfiẓāt lilghaybi bimā hafīẓa Allāh)*, yang telah pun diterangkan maknanya.

Adapun isteri-isteri selain itu, iaitulah mereka yang cuba melanggar hak-hak perkelaminan, dan cuba mengangkat diri dan menderhaka (nusyuz) terhadap jawatan ketua dalam rumahtangga (yang hanya berhak dipegang oleh suami), bahkan melanggar tabiat semula jadi mereka, yang dengannya akan menyebabkan seluruh hidup perkelaminan itu runtuhan dan terburai, maka al-Qur’ān telah menetapkan dua jalan bagi mencegah mereka dan memperbaiki keadaan mereka serta mengembalikan mereka kepada kedudukan mereka yang semula jadi dan kepada kedudukan mereka di rumahtangga. Kedua-dua jalan tersebut, terang nyata, dan biasa digunakan dalam masa mengajar (mengenakan sesuatu hukuman) dan dalam masa memperbaiki sesuatu keadaan. Salah satunya telah ditugaskan kepada lelaki (suami) disebabkan kedudukannya sebagai pengawal dan ketua, dan juga kerana memelihara akan apa yang berlaku di antara kedua suami isteri supaya tidak terhebah kepada khalayak ramai, iaitu suatu perkara yang memperbaiki, yang digunakan dari dalam, yang kadang-kadang dapat membawa kita kepada matlamat dengan tidak dapat diketahui akan kecacatan-kecacatan (perbuatan-perbuatan buruk yang menimbulkan perbalahan itu) dan tidak dapat pula didengar oleh orang ramai. Jalan

(*) Inilah dia makna firman Allah Ta’ala :

“*hāfiẓāt lilghaybi*” (Perempuan-perempuan yang soleh itu ialah yang memeliharkan akan perkara yang tresembunyi), dan harus juga maknanya perempuan-perempuan yang salih itu ialah yang memelihara, dalam masa peninggalan suaminya akan perkara-perkara yang wajib dipelihara pada diri dan harta benda. Oleh itu mereka tidak akan mengkhianati suami-suami mereka.

yang tersebut ialah hendaklah si suami memperbaiki keadaan isterinya itu dengan nasihat dan petunjuk menurut cara yang bijaksana dan pengajaran yang baik, setelah itu hendaklah dipulaukan (di tempat tidur) kalau pengajaran dan nasihat itu tidak juga menimbulkan kan, setelah itu boleh dipukul dengan pukulan ringan kalau ia (si isteri) masih ingkar¹ dan telah melampau kelakuannya.”

“Jadi, isteri yang dapat dilentur dengan jalan nasihat tidak boleh digunakan cara yang lain kepadanya dalam masa mengajarnya, dan yang dapat dilentur dengan jalan dipulaukan dia, biarlah setakat itu sahaja cara mengajarnya. Tetapi ada pula satu jenis lagi dari kaum perempuan, yang terkenal dalam kalangan-kalangan yang tertentu, tidak dapat dilentur dengan nasihat atau dengan dipulaukan di tempat tidur. Mengenai jenis perempuan yang seperti ini, lelaki dibenarkan menggunakan cara mengajar yang berupa kebendaan, dan al-Qur'an telah menjadikannya cara yang akhir sekali untuk memperbaiki sesuatu keadaan, yang dimiliki oleh lelaki. Cara yang demikian adalah seumpama ubat yang akhir yang tidak digunakan melainkan ketika darurat.”

“Orang-orang Islam yang moden (yang terpelajar cara Barat) telah memahamkan secara salah akan jenis pengajaran yang akhir ini (yang membolehkan suami memukul isterinya yang ingkar dengan pukulan ringan), mereka mensifatkan cara itu ialah suatu cara pengajaran padang Sahara yang keras, yang tidak sesuai dengan tabiat kehidupan secara moden yang menetapkan supaya memiliki isteri dan menghormatinya.”

“ Sesungguhnya agama Islam bukanlah diturunkan

untuk satu bangsa yang tertentu, dan bukan untuk satu negeri yang tertentu, dan tidak pula untuk sesuatu masyarakat yang tertentu, tetapi Islam ialah petunjuk dan undang-undang untuk segala banga, segala negeri dan segala masyarakat.”

“Tidak boleh dipandang kepada cara pengajaran yang akhir ini (cara memukul) melainkan sebagaimana telah ditetapkan oleh Islam sesudah menggunakan cara menasihati dan memulaukan.”

“Al-Qur'an telah menjalankan tentang jenis perempuan-perempuan yang terdidik dengan didikan yang baik, yang menjauahkan diri-dengan akhlak dan iman mereka – daripada tercebur ke dalam tingkah laku yang derhaka kepada suami, yang menyebabkan mereka dikenakan hukuman dipulaukan di tempat tidur, apalagi perbuatan yang menyebabkan mereka patut dipukul. Al-Qur'an juga telah mencurahkan kepada mereka sifat-sifat yang mulia dan hormat, yang sudah selayaknya tiap-tiap seseorang isteri patut berusaha menghiaskan diri dengannya dan menjadikannya tabiatnya yang sebat.”

“Sebenarnya perbuatan mengajar (dengan mengenakan hukuman) kepada orang-orang yang berkelakuan buruk dan terpusing, yang tidak memberi faedah kepadanya nasihat yang baik dan hukuman pemulauan, adalah suatu perkara yang dituntut oleh tabiat semula jadi dan ditetapkan oleh peraturan dan masyarakat.”

“Hukuman-hukuman yang tersebut telah ditugaskan oleh tabiat semula jadi kepada bapa-bapa terhadap anak-anak mereka, sebagaimana telah ditugaskan kepada hakim-hakim terhadap orang-orang yang diadilinya. Jika tidaklah kerana

¹ Ejaan asal unggul

hukuman-hukuman yang tersebut, nescaya tidak akan kekal wujudnya sesuatu keluarga dan tidak akan baik hal ehwal sesuatu umat. Peperangan, yang berdasarkan besi dan api yang sedang menyala sekarang ini diantara bangsa-bangsa yang bertamadun, tidaklah lain daripada sejenis perbuatan mengajar (dengan mengenakan hukuman) menurut pandangan orang-orang yang menyerang dan menurut timbangan syariat tentang wujudnya peperangan itu. Dalam hal ini, Allah ‘azza wa jalla berfirman :

“ ... fa in baghat iħdāhumā ‘alā al-ukhrā faqātilū al-latī tabghī hattā tafī u ilā amarā Allāh”, “ ... walaw lā daf’u Allāh al-nnās ba’du hum biba’ d lafasadata al- ‘arq, walakin Allāh zū faḍl ‘alā al- ‘ālamīn.”

Ertinya: “..... tetapi jika salah satu puak mencerobohi puak yang lain, maka perangilah puak yang menceroboh itu sehingga ia kembali (tunduk) kepada perintah Allah.....” “.....dan jika

Sudahkah tuan membaca :

Surat menyurat

Disusun oleh Edrus – mengandungi hal ehwal pejabat surat dengan contohnya iaitu selain daripada mengandungi hal ehwal yang mengenai surat-surat beradat, kepada ahli-ahli agama, kepada orang awam.

Inilah pertama-tama buku mengenai surat menyurat di dalam bahasa Melayu huruf Jawi yang lengkap kandungannya.

Senaskhah 1.80

post 20 sen.

Kalau memesan hendaklah disebut naskhah Jawi.

tidaklah Allah Ta’ala menolak (melumpuhkan) manusia iaitu setengahnya dirempuh dan dikalahkan oleh setengahnya yang lain, nescaya rosaklah bumi ini, tetapi Allah mempunyai limpah kurnia atas sekalian alam.”

Syeikh Mahmoud Shaltut berkata lagi:

“ Kita suka bertanya : Adakah terhitung dari kehormatan seseorang suami sekiranya ia pergi ke mahkamah meminta supaya dibicarakan perkara isterinya pada tiap-tiap kali si isteri terpesong atau melakukan sesuatu perbuatan yang salah atau mencuba hendak memesongkan dirinya atau pun mencoba melakukan kesalahan?! Isteri yang berakal patutlah menjawab pertanyaan ini iaitu : Adakah ia bersetuju jika suaminya, pada tiap-tiap kali ia (si isteri) melakukan sesuatu kesalahan, pergi mengadu kepada ayahnya (ayah si isteri) atau kepada Hakim dan membukakan rahsianya kepada tuan hakim?! Adakah ia bersetuju, supaya ia dibiarkan terus menerus berlaku nusyuz (ingkar atau derhaka kepada suami) dan dengan itu ia meruntuhkan rumah tangganya dan menyebabkan anak-anaknya bertempiaran atau pun ia bersetuju, dengan sikap tenang tenteram, supaya ia dikembalikan kepada keadaannya yang siuman, dengan dikenakan sedikit hukuman, yang tidak melampaui adat biasa, yang pernah ia sendiri melakukannya ketika ia mengajar anak-anaknya?! Saya tidak menaruh syak, bahawa jawab isteri yang berakal dalam masa ia tenang tenteram terhadap kedua-dua pertanyaan ini, ialah merupakan jawab yang jelas nyata pada memilih apa yang telah dipilih oleh Allah ‘azza wa jalla’ (iaitu menerima hukum-hukum yang telah ditetapkan oleh Islam – P.).

“ Sebenarnya sikap golongan menepik mencela hukum-hukum Islam tentang mengenakan hukuman (kepada isteri yang nusyuz) seperti yang diterangkan cara-caranya tadi adalah mengelirukan orang ramai, dan mengecohkan kebenaran dengan perkara yang salah. Hukuman memukul isteri bukan hanya itu sahaja yang telah ditetapkan oleh Islam untuk memperbaiki kesalahan isteri, dan bukan pula dia hukuman yang mula-mula ditetapkan oleh Islam untuk memperbaiki kesalahan isteri, tetapi

hukuman itu ialah satu di antara tiga jenis

hukuman, dan ia yang akhirnya dalam sebutan, sebagaimana ia juga yang akhirnya untuk digunakan.

“Sebenarnya, sekali lagi, bahawa golongan menepik-nepik

yang tersebut tentang undang-undang syarak yang telah ditetapkan oleh al-Qur'an dalam soal ini, mereka hanyalah bermuka-muka untuk mengambil hati masyarakat tertentu dari kaum perempuan yang kita kenal dan mereka juga kenal kesemuanya mereka menunjuk-nunjukkan diri kepadanya (kepada kumpulan kaum perempuan yang tertentu itu) dengan sikap orang-orang yang sangat-sangat menjaga kehormatan dan kemuliannya, dan supaya ia terletak pada kedudukan yang tidak akan dapat dilihat oleh mata melainkan menurut cara yang tertentu pula!” (*)

Bersambung

(*) dari buku “Islam Akidah wa syariat”

muka 152-155, karangan Şahibul faqih al-Syeikh

Mahmoud Shaltut.

Aisyah : al-Şadiqah binti al-Śiddiq

Riwayat hidup Siti Aisyah Ummul Mukminin ialah suatu riwayat yang indah dan menarik, buah kalam pujangga Arab yang terkenal, 'Abbas Mahmud al-Aqqad.

Buku yang berharga ini menggambarkan sifat isteri Rasulullah yang menjadi contoh utama sebagai seorang guru, sebagai seorang pendidik, sebagai seorang isteri yang setia, dan sebagai seorang ratu “rumah tangga” dalam ertikata yang sebenar-benarnya.

Sangat penting dibaca oleh segala peringkat, terutama oleh wanita-wanita Islam.

2 penggal tamat. Harga sepenggal 1.00 sahaja, belanja mengirimnya 10 sen.

Pesanlah kepada penerbitnya:

Qalam, Singapura

